



# FAFANA



Volana Aogositra 2023 - Laharana 238 - Vidiny 1 000 Ariary

“...Soraty ny fahitana, ka ataovy velona tsara ny soratra eo amin’ny Fàfana, ...” Habakoka 2<sup>2</sup>

## GAZETY AVOAKAN’NY FJKM ANKADIFOTSY ISAM-BOLANA

MTA > 2

### Raiso ny Tenin’Andriamanitra ho sabatry ny fanahy



#### FINARITRA !



Ry havana  
Ho aminao anie ny fiadanana.

Faly miarahaba antsika rehetra indray tojo izao volana Aogositra 2023 izao. Ny volana Jolay nodia-vintsika iny dia fotoam-pandinihan-tena ho antsika hihevitra hisaina, hahatsiaro ny hasarobidin’ny fidianan’ny Tompo antsika eo amin’ny andraikitra fanompoana, indrindra fa ny antso maha fiagonana antsika, isaorana ny Tompo ireo mofon’aina isan’andro sy ireo perikopa isan’alahady nomena sy nifampizarantsika mandritra iny volana iny ka nandraisantsika toro-marika maro.

Mandritra ity volana Aogositra ity kosa isika dia hibanjina lohaevitra vaovao hoe “Mijoroa amin’ny

#### “Mijoroa amin’ny finoana”

**Finoana**”. Baiko ho fanaingana antisika tena ho tompon’andraikitra eo amin’ny asa fanompoana sy ny iraka am-panaovin’ny Tompo eo amin’ny asa fitoriana ny filazantsara izany. Tsy ho mpanompo ho mpitazana fotsiny na mpanakina fa tena hijoro ho tompon’andraikitra mpiantsehatra eo amin’ny asan’Andriamanitra.

Tandremo anefa fa tsy hijoro amin’ny tena na ny fisainana maha olombelona fotsiny fa amin’ny finoana sy ny fahatokiana an’Andriamanitra. Tsy asantsika olombelona na fikambanan’izao tontolo izao no niantsoan’ny Tompo sy ny nifidinany antsika fa asan’ny Tompo. Aoka ny herin’Andriamanitra sy ny sitrapony no hanatanterahantsika ny asany ka hijoroana amin’ny finoana. Paoly Apostoly dia nanome toromarika manokana ho an’ny fiagonana tany Filipia hoe : “Miasà amin’ny Tahotra sy ny Hovitra hahatantreka ny famonjena anareo, fa Andriamanitra no miasa ao anatinareo na ny fikasana na ny fanaovana hahatantreka ny sitrapony.” Fil2:12b-13.

Tena Dingan-piaingana eo

amin’ny asa fanompoana ny firoana amin’ny finoana. Fianteherana, fiankinana, fiorenana amin’i Jesoa Kristy ilay Tompon’ny asa izany. Izy no fototra iorenana sy andry iankinana sy ianteherana. Izy no Tompon’ny hery sy ny fahefana rehetra any an-danitra sy ety antany, ilay nitsangana tamin’ny maty sy nandresy ny fahefatesana. Eo am-pelantanana ny hery sy fahefana hahefantsika ny asa fanompoana. Ny finoana sy ny fahatokiana Azy no hery hijoroana hahefana ny asa fanompoana. Aza mandeha irery fa miaraha amin’ny Tompo, Mifikira aminy. Tena fifanjohnim-piaianana sy fifamatoram-piaianana amin’i Jesoa Kristy no atao hoe Finoana. Ekeo ary Raiso ho Tompo tokana sy mpanompy ao am-pontsika sy eo amin’ny fiainantsika Jesoa. **Henoy, Raiso, Iaino, Tanteraho** ny teniny dia ho mpanompo mahatoky sy mahajoro tsara amin’ny finoana isika. Fa hoy ny Tompo: “Aza mahatahtra hianao, fa momba anao Aho, ary aza miherikerika foana fa Izaho no Andriamanitra tsara.”

Ny mpitandrina RAVALOSON

FIAINAM-PIANGONANA > 6

#### SEKOLY ALAHADY Mpianatra 1.243 notolorana valisoa



FIAINAM-PIANGONANA > 6

#### GAZETY FAFANA Fanateram-bokatra ny 20 Aogositra 2023



FIAINAM-PIANGONANA > 2

#### VAOMIERA’NY ASA SOSIALY Tontosa ny hetsika ririnina



# Vaomieran'ny Asa Sosialy Tontosa ny "Hetsika ririnina 2023"

*Madiniky ny Tompo 120 no nisitraka ny "Hetsika ririnina" tanterahin'ny Vaomieran'ny asa sosialy.*

Fizarana vary sy savony, ary indrindra lamba mafana, izay mampiavaka ny hetsika ririnina fanao indroa isam-bolana. Madiniky ny Tompo miisa 120 no nisitraka izany, misy ireo mivavaka voasoratra anarana eto amin'ny Fitandremana, ary misy ihany koa ireo hafa finoana, mba ho marina amintsika ny hoe "velona ho an'ny hafa".

Fanompoam-pivavahana no nanombohana ny fotoana, ny Mpitandrina Ravaloson no nitondra ny hafatr'Andriamanitra, izay nalaina tao amin'ny Sal 40:11- 17 "ankino amin' Andriamanitra ny fiaiananao, na inona na inona zavatra miseso, ary manana fanantenana fa Izy Tompo no manana hevitra hiheverana ny tsirairay avy, Izy no miahys antsika".

Tsara homarihina hatrany fa ny Vaomieran'ny Asa So-



Nomena lamba mafana ireo Madiniky ny Tompo.

sialy (VAS) dia miara-miasa akaiky amin'ny SAFIF amin'ny fitaizana ny ara-panahin'izy ireo, ary tsiahivina ihany koa fa misy ny fanompoam-pivavahana arahana asa sy fampaherezana isaky ny alarobia hariva amin'ny 2 ora,

izay azon' ny rehetra atrehana. « Misaotra ny Tompo fa vita iny hetsika iny, hoy ny filohan'ny VAS Rasozazanakolona Jerison, mitohy hatrany ny asa, misaotra sy mankasitraka ireo rehetra niara nisalaha tamin'ny fanantosana izany,


ny fiangonana manontolo; ja hoy ny Tompo ...Araka izay na-taonareo tamin'ny anankiray amin'ireto rahalahiko kely indrindra ireto no nataonareo Tamiko » (Mat 25: 40).

Malala Andriniaina

## Tontolo iainana Ny asan'ny nefon-tany eo amin'ny tontolo sy ny antony hitandroana azy

Ny "tontolo iainana" na koa ny antsoina hoe "écosystème" dia manome vokatsoa izay sandaina ho hatrany amin'ny iray alina lavitrisa dolara amerikanina (10.000.000.000.000 US\$) isan-taona ho an'izao tontolo izao. Io tontolo ianana io dia mamatsy (rano, sakafy, fandafody, hazo...), mandrindra (fandiovana rano, fandevonana loto sy fako, fifehezana ireo zavamananaina mitondra aretina na mpanimba zavamaniry, fiovaovan'ireo entona eny amin'ny habakabaka...), fitoerana (fiordinan'ny tsiron'ny tany, fiparitan'ny voan-javamaniry, fanirin'ny zavamaniry...) ary koa kolo (fomba, toerana mahafinaritra ialan-tsasatra...).

Ny amaphany lehibe amin'ireo vokatry ny tontolo ianana ireo dia noho ny fisan'ny "nefon-tany" avokoa. Na aiza na aiza misy azy, dia manana anjara asa lehibe 6 eo amin'ny tontolo ianana ny nefon-tany araka ny hita eo amin'ny sary: (1) Fitoerana hanirian'ny zavamaniry isan-karazany miaraka amin'ireo singa sy otrikaina na tsiron'ny tany ny nefon-tany. Ny toetry ny nefon-tany sy ny



tsirony no mahatonga ny fahamihafana eo amin'ny zavamaniry, ka mametra ny karazana sy ny isan'ny biby sy olombelona afaka miaina amina toerana iray;

(2) Mandrindra ny famatsiana rano. Ny toetry ny nefon-tany dia misy fiantraikany amin'ny fahaverezany, ny fampiasana, ary ny faholotoany sy fahadiovan'ny rano;

(3) Fampiodinana. Ny fako sy ny fatin-javamananaina (zavamaniry, biby...) dia levona ao anatin'ny tany, ka lasa singa sy

tsiro ampiasain'ny ireo zavamaniry velona. Fanampin'izay, dia iarahamahalala fa ny nefon-tany no isan'ny nitahiry ireo fitaovan'ny sivilizasiona taloha ka nahitana azy taty aoriania;

(4) Fonenan'ireo bibikely sy mikraoba maro tsy voatanisa sy isan-karazany;

(5) Manova ny toetry ny habakabaka amin'ny alalan'ny fandefasana sy fakana CO<sub>2</sub>, O<sub>2</sub> ary entona hafa; ary koa ny vovoka, hafanana ary angovo;

(6) Ilaina amin'ny asa fanamboarana, na trano na asa va-

venty, ny nefon-tany ary tsy vitany hoe singa ampiasaina fotsiny amin'izany, fa indrindra fototra iorenan'ny lalana, seranam-piaramanidina...

Izany dia zava-dehibe iankinan'ny rindram-piaianan'ny zavamananaina eto ambonin'ny tany, indrindra fa isika olombelona ny nefon-tany koa noho izany, dia mila kolokoloina sy tandrovana fatratra mba hanome izay ilaina aminy ho antisika ankehitriny, fa indrindra hisy holovain'ny taranaka any aoriania. Isika Kristianina indrindra indrindra dia manana andraikitra lehibe amin'izany satra nosoroni'ndriamanitra mba hiasa sy hitandrina ny tany araka ny voalaza ao amin'ny Genesis2:15 "Ary Jehovah Andriamanitra nitondra an-dralehilahy ka namponina azy tao amin'ny saha Edena hiasa sy hitandrina azy".

Rakotoson Tovohery,  
Ph.D. Agriculture  
Nanovozan-kevitra  
sy nakana ny sary:  
Weil, R.R., Brady, N.C.,  
2017. *The Nature and Properties of Soils*, 15th ed. Pearson.

## FAHASALAMANA

### Ny zavamahadomelina

Ny zavamahadomelina no noresahana nandritra ny "5mn ho an'ny fahasalamana". Tam'in'izany no nanazavana fa ny zavamahadomelina dia singa voajanahary na simika ampidirina ao amin'ny vatan'olombelona ary misy fiantraikany ao amin'ny atidoha, sy ny fijery ary ny fahitana.

Misy karazany maro arakaraka ny heriny : malefaka, mafery vaika, eo noho eo dia misy fikorontanana eo amin'ny vatana, zavamahado-

melina voarara. Fomba samihafa ny fandraisana azy, ao ny hohanina, atsindrona, sotroina ary fofonina.

Ny Firenena Mikambana (Nations Unies) dia nanokana ny 26 Jona ho andro iadiana amin'izany, dia amin'ny alalan'ny fanabeazana. Ny Tenin'Andriamanitra dia milaza fa "zaro amin'ny lalana tokony alehany ny zaza" (Ohab 22/6a). Misy andraikitra lehibe ho an'ny ray sy ny reny izany amin'ny fitaizana sy fikoloko-loana ary fampianaranana ny si-

trapon'Andriamanitra sy ny soatoavina tokony hajaina.

Mbola andraikitra tsy maintsy hataony ny fanomana na sy fitsinjovana ny hoaviny. Mila manaporofy sy mampiseho fitiavana ny ray aman-dreny, ary mila mahay mifanakalo hevitra, sy mahay mihainy ihany koa.

Raha tiana hiala amin'ny fahazarant-dratsy ny zaza na ny tanora dia tsy « moralisation » no atao fa « évangélisation ».

Dr Rarivocharilala Esther

## MTA Raiso ny Tenin'Andriamanitra ho sabatry ny fanahy

Hatao ny 13 Aogositra 2023 amin'ny 2ora sy sasany tolakandro ny fianinanana Soratra masina «Question pour un chrétien» izay karakain'ny Mpamakiteny Ankadifotsy. Izany dia ao anatin'ny ivon'ny fankalazana an'Andriamanitra noho ny faha-35 taonan'ny MTA, "Raiso ny tenin'Andriamanitra ho sabatry ny Fanahy".

Hisy ny federana lehibe ny alahady maraina amin'ny 7 ora sy amin'ny 10ora ary hisy ny valopy amin'io andro io ho fanohanana ny asa.

Marihina fa vita ny sabotsy 29 Jolay 2023 lasa teo ny fianantran'ireo solotenan'ny birao ny Sampana, Sampan'asa, Asa sy Fikambanana eto amin'ny fitandremana misy antsika. Ny 8 tafikatra tamin'ireo no hiakatra amin'ny lalao manasa-dalana sy ny famarana ny alahady 13 Aogositra 2023 amin'ny 2ora sy sasany tolakandro.

Ireto avy ireo tafikatra :

- Rajaonarivo Lola Andrianombaba Tsiry Nirina, SAMPATI.
- Randriamiarintsaina Mika, SVM
- Raheliarisoa Vonjy Harivel, Mpiasan'ny fahasalamana
- Harimampionona Tolotra Nomenjanahary, SVM
- Rajaona Fanomezantsoa Aimée, Mpiasan'ny fahasalamana
- Rakotomandimby Vonintsoa Ravakiniaina, Sekoly Alahady
- Ramaherijaona Marco, SLK
- Randrianalison Herizo, AFF

Ny tarika TDL no hanafana ny fotoana.

**Rojo Ramaro**



Ireto birao solotenan-tsampana niatrika  
ny fisanintsanana QPUC

## TSY HARITRA

### Inde : Namotika tohadrano hakany ny findainy latsaka tao anaty rano

Tranga mety hiseho amin'ny rehetra ny finday latsaka tsy nahy ao anaty rano. Hafakely kosa ny nanjo ity lehilahy indianina iray. Inspecteur d'hygiène alimentaire, na mpanara-maso ny fahadiovana aratsakafo any Inde i RV. Vao tsy ela, raha naka "selfie" teo amin'ny tohadrano i Kerkhatta (Inde) izy dia latsaka tao anaty rano ny findainy, izay lafo vidy tokoa satra mitentina 1.130 euros, araka ny nambary. Nanakarama olona mpilatsaka an-drano maromaro izy hikaroka ilay finday tao anaty rano, saingy tsy nahita izany ireo. Nanapa-kevitra avy hatrany ary izy hisintona ny rano rehetra ao amin'io tohadrano io, ka nampiasa fitavana goavana mihtisy nanaovana izany. Paompy "aspirateur à diesel" no nampiasainy, izay nitroko rano mahery ny 2 tapitrisa litatra tao anatin'ny 3 andro tsy ankiato. Taorian'izay dia nitranga tokoa ilay finday ary tafaverina taminy, na dia efa simba aza. Tsy vita hateo anefa ny raharaha, fa maro ny fiampangana an'ingahy RV : fandraina fanapanah-kevitra samirery momba ny fananam-pirenena, fandotra fananam-bahoaka, fandotra tanimboly 600 Ha izay tokony hovoatondraka avy amin'io tohadrano io... Very asa nanomboka teo i RV, ary mbola mamita ny sazy nomen'ny Fitsarana azy koa hatrann'izao.

**RH**



## TETIANDRO FIHAONAMBE

Fiaianamamben'ny Diakona, sy Loholona

Daty : 15 - 18 Aogositra 2023

Toerana Vatomandry : Synodamparitany 03, 05, 15, 19, 24, 32

**Fiaianamamben'ny S V M :**

Daty : 9 - 13 Aogositra 2023

Toerana : Toliary SP TOLIARY FIHAVAOZANA (SP 33)

**Fiaianamamben'ny SAMPATI**

Daty : 10 - 13 Aogositra 2023

Toerana : Antananarivo, SP ANTANANARIVO ANDREFANA (SP 10)

**Fiaianamamben'ny FIMPIZ**

Daty : 23 - 27 Aogositra 2023

Toerana : Mahajanga, SP BOINA VAOVAO (SP 17)

**Fiaianamamben'ny AFF**

Daty : 14 - 17 Septambra 2023

Toerana : Ambanja SP FARITANY VOALOHANY ANTSIRANANANA (SP 18) **Nanangona Malala Soa**

# Tily Maitso XVII Fanekena MPIANDRAIKITRA

*Tily maitso mirahalahy indray no nahavita ny Fanekena mpiandraikitra ny 16 Jolay lasa teo teto amin'ny FJKM Ankadifotsy.*

**N**otanterahina ny 16 Jolay 2023, tao antin'ny iray volan'ny Farimbona, ny fanekena mpiandraikitra Tily maitso, fivondronana faha-17 eto amin'ny Fitandremana Ankadifotsy, Faritra Analamanga Afovoany.

Taorian'ny fanokafana ny fotoana araka ny fomba skoto, dia nanambara ny foibe Sampati FJKM fa manana fivondronana ara-dalana, efa voatokana ary nahavita ny adidy rehetra tandrify azy ny eto amin'ny fiongonana Ankadifotsy. Fantatra ihany koa fa efa natolotra niofana tany amin'ny faritany Tily eto Madagasikara ary nahavita izany fiofanana izany izy mirahalahy, ka mendrika ny fanolarentanay ho amin'ny fanekena.

Ny filohan'ny komitim-pivondronana kosa, mialoha ny fanolorana ireo mpiandraikitra hanao fanekena, dia nanambara fa efa nahafeno ny fepetra rehetra notakiana taminy ireto



*Fanekena mpiandraikitra ny alahady 16 Jolay lasa teo.*

mpiandraikitra mirahalahy ireto. Efa ampy taona, efa mpandray ny Fanasan'ny Tompo, nahavita ny fiofanana tandrify izao andraikitra hanaovany fanekena izao, efa nahazo ny fanomanan-panahy avy amin'ny isan'amarbaratonga sy ny mpitandrina eto amin'ny Fitandremana Ankadifotsy, mba ahafahany manatanteraka ny

fiantsoana nataon'ny Tompo tamin'izy ireo, dia ny fanabezana Tily. Taorian'ny fanekena, dia Rasoanoavy Aina Fehizoro (Siniatry Fiharatra) no voatendry ho tompon-toerana, ary Rakotomala Andriaina Jean-Luc kosa no mpampilao. Tonga nanotra azy ireo ny solontenan'ny synodam-paritany foibe Sam-

pati, ny filohan'ny komitim-paritany Rasamoelina Herifidy, ireo filohan-paritany, ny filohan'ny komitim-pivondronana Lako Andriamise, ireo komitim-pivondronana sy ireo mpiandraikitra Tily sy Mpanazava miaraka amin'ireo beazina eto amin'ny fivondronana faha-17, ireo mpikambana Sampati isam-pivondronana namaly ny fiongonana ary indrindra ny mpino mpiara-manompo rehetra eto amin'ny fiangonana FJKM Ankadifotsy.

Manana ny fikambanana Sampati ny fiangonantsika hitaiza ireo zazavavy sy zazalahy mba ho tonga olom-pirenena vanona ary ho vavolombelon'i Jesoa Kristy eo amin'ny manodidina azy, ka sahy mandray andraikitra amin'ny fiongonana ary ny firenenia.

Misaotra an'Andriamanitra isika mbola nomeny tanora vonona hanatanteraka ny antsomy.

*Fanja Raveloariajona*

## FJKM Antsahavola Fitiavana Tafatsangana ny birao hitantana ny Mpamakiteny



*Mpiofana Antsahavola Fitiavana*

Tontosa ny sabotsy 22 Jolay 2023 teo ny fampiofanana famakiana Soratra masina tao amin'ny FJKM Antsahavola Fitiavana niarahana tamin'ny MTA Ankadifotsy. Miisa 6 mianadahy ireo mandrafitra ny birao vaovao hitondra ny Fikambanana. 23 mianadahy ireo mpiofana, ahitana ankizy 11, lehibe 12. Niavaka ny fampiofanana noho ny fahavitrihan'ireo ankizy niofana. Mahavelom-panantenana ny mahita azy ireo sy ny fahazotoany satria izy ireo no hoavin'ny Sampana, Sampan'asa Asa sy Fikambanana ary hitondra sy hitarika ireo dimby sy fara.

Tsy mora ny asa miandry ny birao vaovao amin'ny fandraisana manontolo ny anjara

fanompoana famakianteny mandritra ny taona. Sarotra ny mandresy lahatra amin'ireo kristianina izay tsy nahavita fiofanana. Vonona anefa izy ireo hanomboka ny asa

miaraka amin'ny fanohanandRtoea Mpitandrina Ratsimanhohitra Eliane, hanatratra ny tanjona napetraka, dia ny Vakiteny Marina, Mazava, Miaina.

« Nitondra fihavaozana teo amin'ny fiainan'ny fiangonana ny fananana rafitra famakienty, hoy hatrany Ramatoa mpitandrina, ary izany no naharesy lahatra azy ireo hiala amin'ny fahazarana fotsiny ihany».

**Ny mandrafitra ny birao vaovao :**

**Filoha :** Ramaroson Ny Ando Idealy

**Filoha Mpanampy :** Randrianarison Jean Noël

**Ny mpitantsoratra :** Aina Nandrianina Nomenjanahary

**Ny mpitambola :** Razaiaramana Joséphine

**Mpanolotsaina :** Razafindramanana Maria Harisoa sy Ramaroson Nirina

*Rojo Ramaro*

## Sampana Tanora Kristianina - HAY KANTO Projet Inter'Est – Camp Humanitaire, Mananjary 2023



*Ireo tanora avy any Suisse miaraka amin'ny tanoran'ny Hay kanto.*

Natao ny 24 Jolay hatramin'ny 05 Aogositra 2023 lasa teo tany Mananjary ny andiany faharao amin'ny « Projet Inter'Est », izay fiarahamiasa eo amin'ny Fondation Grenolier, l'association régionale Inter'Est sy ny Département Missionnaire miaraka amin'ny Foibe Sekoly FJKM ary ny STK-Hay Kanto eto amin'ny Fitandremana Ankadifotsy. Tetikasa izay entina hanampiana ny Sekoly Tsiatosika any Mananjary eo amin'ny lafin'ny fotodrafisrasa, fampianaranana ary fifanakalozana.

Raha tsiahivina, dia tany Manakara no nanatanterahina ny andiany voalohany tamin'ity tetikasa ity ny 11-31

Jolay 2022. Isan'ireo tanjona tamin'izany indrindra ny fantsarana ny sekoly iray tao Manakara tamin'ny alalan'ny fandokoana sy fametrahana herinaratra. Teo ihany koa ny

fampianaranana fanentanana ireo ankizy tao amin'ny sekoly, ny fipanakalozana teo amin'ireo mpanabe sy ireo tanora avy any Suisse ary ny tanora Hay Kanto.

*Rado Rakotomalala*

## Jolay an'ny Farimbona, tsara famaranana Antsam-pifaliana, antsa fampijoroana, antsa nitory ny voninahitry Jesoa Kristy

Antsan-kira nafana nandroaka ny hatsiakan'ny hariva ririnina no natolotry ny Mpihiran'ny Farimbona, ny alahady 30 Jolay 2023 teo, nanomboka tamin'ny 6 ora ka hatramin'ny 8 ora alina. Antsa nentin'ny Farimbona nanakatona ny iray volana natokana ho azy ny fotoana.

Ny amboaram-peo roa, amperinasa sy zokiny no niaka-tsehatohatra voarafitra sy tsara endrika teo amin'ny alitara, njoro tamin-tsiky narevaka izy ireo. Teo am-panokafana nataon'ny Mpitandrina Ravaloson tamin'ny fankalazana ny Anaran'Andriamanitra sy ny vavaka, dia efa tsapa ny fitarihan'ny Fanahy Masina, ho amin'ny fiderana nifototra tamin'ny fitoriana ny hatsaran'Andriamanitra.

Ny fanamafisam-peo sy ny jiro nandravaka ny antsan-kira dia nanome lanja ny antsa, sy nanokatra ny maso, ny sofina sy ny saina mbamin'ny fanahin'izay rehetra tonga maro. Ny hira roa voalohany no nihazakazaka ny mpikirakira ny fanamafisam-peo, mbà hahatafaraka tsara ny fanamafisam-peo tamin'ny ainga sy ny fientanam-po nentin'ny Mpihiran'ny Farimbona. Ny Mpihiran'ny Farimbona Amperinasa no naka ny fizarana voalohany, narahany'ny Mpihiran'ny Farimbona Zokiny. Hita fa andro voalohany amin'ny herinandro tokoa io alahady hariva io, fa tahaka ny andro tara-masoandro ny tao anatin'ny fiangonana nove-lombelomin'ireo mpihira. Nampita hafatra sy hafaliana ary fampaherezana an-kira ny tarika roa, izany dia tao anatin'ny hafanan-po sy herim-panahy tsy hay notohaina, nampientana anaty sy ivelan'ny tsirairay nanatrika.

Rindra nahasarika ny naheno sy nahita ary nandre ny fampiarahan-dàlan'ny zava-maneno, ny jiro sy ny tehaka ary ny baiko tarika nakan'i Aina Rasoanaivo tsirony am-po. Hira tsy latsaky ny dimy amby folo no niainana ny antsam-panahy. Maro no so-ratànan'ny zanaky Ankadifotsy, tao ny hira novokarin'ni Anja Ratsimbazafy, ny an'i Aimé Raobelarijaona, ny an'i Daniel Ramarokoto. Nisy koa hira iray niarahany'ni Anja Ratsimbazafy sy ny Mpitandrina Ranjakavola novokarina; “Jesoa Jesoa”. Nisy famarohana manokana tamin'ny famaranana ny antsa, tamin'ny nampitsanganan'ny Mpitandrina Ravaloson an'i Dadamiza mivady izay nampiaiky, fa tsy mbola tapaka mihintsy izy roa, isaky ny miakatra sehatra ny Mpihiran'ny Farimbona. I Dadamiza - Andriamanantoanina Jean Célestin dia andry iray nampijoro, mbola manome risika sy tosika am-panahy ny Mpihiran'ny Farimbona, mipaka hatrany amin'ny Mpihira Taniketsa. Taona maro nitirahana ny Mpihira sady mpamorona no mpitendry zava-manenony.

Hafatra no nanelanelana ny hira, ka ho an'izay feno fifaliana dia rariny dia rariny ny niainany hafaliana tamin'ireo hira nito-vozana hery. Fa afa-tahotra, afa-geja sy afaka ahiahy kosa ireo izay nitady tsiky sy herim-panahy. Maro ireo teny nandrafitra ny tononkira voafidy tamin'io antsan-kira faran'ny volan'ny Farimbona io, izay nanome fanantenana fa Andriamanitra Mahery, Tia sy Famindram-po ary Mpitantana, ny Andriamanitra iantehran'ny mpino.

Ny hira voalohany dia efa nampibanjina hitodihana amin'I Jesoa Kristy, nitondra ny lohateny “Eo anilanao”, ny faharao dia namerina fa Jesoa tonga tety an-tany dia ho Kristy Famonjena. Nisy tantara an-kira noraisina tamin'ny andàlan-tsoratra ao amin'ny Jaona 3:16, nahitana foahifohy ny fiainan'I Jesoa. Ny hira novetsoina tahaka ny “Eo ambany elatrac”, “Ampiraiso izahay” dia mampahatsihay ny antso ho an'ny fisankatiavana.

Nahitana bân-kira vitsivitsy tahaka ny “gospel” ny antsankira, nifarana tamin'ny niarahany'ny Mpihiran'ny Farimbona roa, nizara hira tmbatra “Medley” nahitana bâ “classique” koa. Vavaka ho an'ny rehetra, tamin'ny alàlan'ny hiran'i Henry Ratsimbazafy, niangaliana feo efatra; Liantsoa, Sahondra, sy Marozò ary Aina, nolafihan'ny Antoko Mpihiran'ny Farimbona roa feno, no nanakatona ny antsa.

Fotoana voatokana ho vokatra ho an'ny Mpihiran'ny Farimbona ny 30 Jolay 2023. Nandiry ny fotoam-pivavahana maraina dia nampahafantatra sy nampahatsihay ny mpitarika ny Mpihiran'ny Farimbona, fa fitaizana sy asa anatin'ny ivelan'ny fiamalam-boly no anisan'ny ifantohana, ary mifototra sy mitodika amin'ny fiaraha-mifaly manantantera ny asa fitoriana avokoa izany. Mahakasika ny sokajy taona, dia fito ka hatramin'ny sivy folo taona mihoatra ny mpiara mihira miara-manompo.

Inoana fa tsy nisy niala maina toko, ka tsy araky ny nidi-ran'ny tsirairay nanatrika no nivoahany, araka ny fitarihana sy ny vavaka fanaon'ny Mpitandrina Ravaloson.

Ny hira mitory ny Voninahitry Andriamanitra !

*Jocelyn R.*



*Ny Mpihira Farimbona Zokiny.*

TONONKALO

## Tano mafy izay anananao mandrapihaviko !

(Apokalipsy 2 : 25)

Ny Finoana iainanao,  
Avy tamiko avokoa ;  
Ny Fandrosoana iainanao,  
Mbola tamiko ihany koa ,  
Koa tano mafy , tano tsara  
Mandrapihaviko any am-paro,  
Aza avela hamarara,  
Hoy Izaho Mpiandry Tsara !

Ireo endrim-pamonjena  
Zary zava-mahaliana,  
Ireo andro sesehena  
Heniky ny hafaliana,  
Tadidio sy tano tsara  
Mandrapihaviko any am-paro ;  
Aza avela hamarara,  
Hoy izaho Mpiandry Tsara !

'Lay Fanahy tsy hay tsiniana  
Nanehoako ny fisiako,  
tena endri-pitahiana  
ho anao 'lay tena tiako,  
ka tano Izy ,tano tsara  
mandrapihaviko any am-paro,  
aza avela hamarara  
hoy Izaho Mpiandry Tsara !

Docteur Randriamahazosoa Boanerjesy Olivier

## MAZOTOA HOMANA

### Trondro amin'ny coco

**- Zavatra ilaina :** nofo-trondro 500g, lafarinina 2 sotro fihananana, menaka 4 sotro, tongolo 2, tongolo lay hasiny 6, sakamalah 1kelikely, voatabia amin'ny boaty, poivron 1, tamotamo 1sotrokely, sakay raha tia, sira, ranona voasary makirana, ranona coco 200ml ary dipoavatra.

**- Fomba fikarakarana azy :** teteho 3 na 4 ilay nofo-trondro dia alefaso ao anaty lafarinina. Endaso amin'ny menaka mahamay ny ilany roa dia dia avelao hipetraka eo.

Alaivo ilay lapoaly nanendasana teo iny dia endaso ao ndray ny tongolo, tongolo lay ary ny sakamalah. Rehefa izay dia alefaso ihany koa ny tamotamo, ny v o a t a b i a amin'ny boaty, ny poivron sy ny ranona coco. Asio sira sy dipoavatra ary sakay. Alefaso miaraka ao koa ny trondro dia avelao hiketrika kely minitra vitsivitsy.



Rehefa mandroso azy dia asio kotomila voatetika handravaka sy hampamaintso azy.

Mazotoa homana ndray e !

R.Sidonie

## MBA SAINO

### Rehefa mba nomena fahefana

Rehefa mba nomena fahefana  
Dia aza manao tsindrio fa lavo  
Na miseho ho milay sy mahay  
Tadidio fa tsy anao, fa mbola nampindramina.

Rehefa mba nomena fahefana.  
Dia mahaiza manararaotra  
Ka miezaka hanao ny tsara.  
Mba hipetraka ho tantara.

RTH (Rakotoarivelo Tojo-Hery Mandialaza, Jolay 2023)

Samihafa

# Fianjaika

## Ny "manteau"

Ny "manteau" azo hoentina amin'ny fotoana rehetra no atolotra antsika vehivahy amin'izao andro mangatsiaka izao.

R.Sidonie



## Ny voasary laoranji

Ireo otrikaina sy ireo singa mety ho hita ao amin'ny voasary laoranji :

A -B1, B2, B3, B5, B6, B9 – C – Calcium – Cuivre – E– Fer – Fibre – Magnesium – Manganese – Phosphore– Potassium– Zinc...

Ireo soa azo avy amin'ny fihananana voasary laoranji :

- Manatsara ny maso sy ny hoditra ary ny faniran'ny volo
- Mampitony ny fanaintainana
- Manampy ny fiasan'ny voa
- Misoroka ny fahanteran'ny sela
- Misoroka ny mety hisian'ny homamadiana
- Manampy ny fiasan'ny tsinay sy misoroka ny fitohana
- Tsara ho an'ny olona manao fanatanjahantena sy mampihena vatana



- Manamaivana ny havizanana
- Manatsara ny fikorianan'ny rà
- Miaro ny fahatapahan'ny lalandrà
- Mandrindra ny tahan'ny menaka ao anaty rà
- Tsara ho an'ny olona manana tosindrà ambony

- Tsara ho an'ny vehivavy mitondra vohoka
- Manamafy ny taolana sy manatsara ny hozatra
- Mampatanjaka sy mampitombo ny hery fiarovana ary miady amin'ny "virus"

Ny voasary laoranji dia voankazo manankarena otrikaina sy manome tanjaka ho an'ny vatana ary indrindra, miady amin'ny arentina maro. Araraoty àry ny fihananana azy fa fo-toam-pahavokarany izao.

Fanja Raveloarijaona

# Tafika Masina nasioly Amboavory Tanambe Asa fitoriana ny filazantsara isam-bondrona

Tratra ny tanjona tamin'ny fanatanteraha ny Tafika masina nasioly tany Amboavory Tanambe ny 12 hatramin'ny 17 Jolay 2023 teo satria sady nisy ny fitoriana ny Filazantsara isan-tokantrano, no nisy ihany koa ny fitoriana ankalamanjana. Anisan'ny tsapa nandritra izao Tafika masina izao fa mangatsiaka amin'ny asa fanompoana sy ny fia-rapha-mivavaka ny olona any an-toerana. Tsy manam-potoana hihainoana ny Tenin'Andriamanitra, fa na sahirana amin'ny asa any antsaha, na tsy te hihaino ny Filazantsara tsotra izao fotsiny.

Mpiantafika 138 no namonjy ny Tafika masina ka 19 no solotena avy eto amin'ny FJKM Ankadifotsy. Ny filohan'ny AFF foibe Razafimamonjy Dina mpitandrina, ny tale AFF foibe,



Ireo solotena 19 tany Amboavory Tanambe.

**Vondrona Matio tao Amboavory :** Nisy ny fitsidihana ny tokantranon'ny Ben'ny tanana izay nanaovana asa, tsy adino ny fitsidihana ny tokantrano tao an-toerana. Ny sabotsy 15 Jolay dia nisy ny fitoriana ankalamanjana teo an-tsena. Nisy mpitsabo iray niara-dia tamin'ireo mpiantafika.

**Vondrona Marka tany Antsetseka :** 54 ireo mpiantafika, Atoa Andriampanomezana, Mpitandrina biraq AFF foibe, Rto Ramefy Eva mpiandraikitra foibe, katekista sy diakona no mpiandraikitra tany ary dokoteray sy mpanampy azy. Ny olana tany dia tsy dia nafana fo noho ny toetran'ny fia-raphamona ny olona, mbola voafatotra ara-pahanay ihany koa satria mbola betsaka ireo mitana ody gasy. Ankoatra izay, dia tsy mandray olona zoma ny any an-toerana satria fady, hono, ny mandray vahiny amin'ny andro zoma. Ny alakamisy 13 Jolay hariva dia nahavita tokantrano 12, ary ny zoma 14 Jolay tolakandro dia 18 no vita satria ny hariva vao tena nisy olona tao an-tanana. Natao anatin'ny orana aza, dia nanohy ny asa fitsidihana tokantrano. Ny sabotsy 15 Jolay,

Rakotoarimanana Nirina mpitandrina sy ny filoha mpanampy laika Ratsimba Hanta ary Rto Ramefy Eva mpiandraikitra foibe, no nitarika ny mpiantafika.

Nifampizara tamin'ny tanana 4 ireo mpiantafika 138, nandeha nanatontosa ny asa fitoriana nanirahana azy ireo : Amboavory, Antsetseka, Tsimanitsaka ary Bemahia –

I Bemahia no lavitra indrindra tamin'ireo tanana naleha, satria dia mbola dia an-tongotra nandritra ny ora 6 no natao vao tonga tany amin'izany tanana izany.



Ny vondrona Lioka tany Tsimanitsaka



Vondrona Jaona nankany Bemahia

**Iza moa Randrianarivelo Tolotraniaina ?**

Izy no Katekista delege mipeetraka ao Ambanintsena. Mpivavaka tao amin'ny FJKM Soavina Fihavaozana ary mbola mpitovo. Efa maty ny rainy, 4 mianaka izy sisa, 3 mirahalahy. Notokanana ho mpiandry ny taona 2017, mpi-

Ny Tompo no efa nanomana azy elabe ary efa nisy ny fotoana nitondrany izany heta-heta izany teo amin'ny Mpitandrina nisy azy hanao taratasy fanolorana azy ho katekista delege fa tena antson'ny Tompo ho amin'ny fiaiany, saingy mbola tsy fotoanan'ny Tompo na tamin'ny Prezida Synodaly voalohany, na tamin'ny Prezida Synodaly amin'izao fotoana izao, fa mbola tsy nahazo, hoy ny fana-zavany. Tany Bemahia no voatendrin'ny Tompo hanatanterahany izany fiantsoana sy handrava sy handrodana ary hanorina sy hamboly".

Ny Tompo no efa nanomana azy elabe ary efa nisy ny fotoana nitondrany izany heta-heta izany teo amin'ny Mpitandrina nisy azy hanao taratasy fanolorana azy ho katekista delege fa tena antson'ny Tompo ho amin'ny fiaiany, saingy mbola tsy fotoanan'ny Tompo na tamin'ny Prezida Synodaly voalohany, na tamin'ny Prezida Synodaly amin'izao fotoana izao, fa mbola tsy nahazo, hoy ny fana-zavany. Tany Bemahia no voatendrin'ny Tompo hanatanterahany izany fiantsoana sy handrava sy handrodana ary hanorina sy hamboly".

Nanangona Malala Soa & Ianja R.

## SPIA

### Nizara ny Filazantsara tany Manjaka Avaradrano ny Tafika Masina

Fitsidihana tokantrano, ireo olona nifanena teny an-dalana eny na ireo teny an-tsaha no nizarana ny vaovao Mahafalin'i Jesoa Kristy nandritra ny Tafika Masina nokarakarain'ny Sampanasa Asa Fitoriana ny Filazantsara teto amin'ny Synodamparitany Iarivo Avaradrano, notarihan'ny filohan'ny AFF SPIA, Randriana-solo Heritiana, mpitandrina.

Ny alarobia 5 hatramin'ny zoma 7 Jolay 2023, teny amin'ny tanana Manjaka Avaradrano tany amin'ireo faritra Ambohimana-trika, Antsiriribe, Morafeno sy ny manodidina ary indrindra ireo faritra lavitra.

Tsy mbola mandray tsara ny Filazantsara ary tsy mety resy lathatra ny Filazantsara ireo mponina ao amin'ny tanana Manjaka Avaradrano, araka ny tenin-dRamatoa Razafiarijaona Verotiana, katekista d'elégue, mitondra ny fiangonana Manjaka Avaradrano Fanantenana. Nandray tsara ny olona. Ankoatra ny fitsidihana tokantrano, dia nisy ihany koa ny fandefasana sarimihetsika nitondra ny lohateny hoe : "Ny Fitavan'i Dada", narahina fitoriana ankalamanjana, narahina "antso" tamin'ireo ankizy, tanora, zo-kiolona.

Tsy ny fanahin'ireo olona ihany no novonjena, fa nisy ireo asa vavolombelona dia ny fanomezana (fitafiana...) natolotra ho an'ireo mponina any an-toerana ary ny fizaham-pahasalamana maimaimpoana nomen'ireo mpitsabo ato anatin'ny mpianafika. 104 ireo tonga nizaha fahasalamana, nahitana ny sokajin-taona rehetra.

70 mianadahy mianaka ireo mpianafika ka 9 ireo soloten-ny FJKM Ankadifotsy tamin'ireo. Fitandremana 17 mahery eo ho eo ireo nandefo solontena nanatanteraka izao asan'Andriamanitra izao. Nahatsiaro nitombo finoana sy hery teny am-pandehanana ireo mpianafika. Tao anatin'ny fifaliana sy fitfankatiavana tanteraka no nanatanterehana ny asa.

Tojo R.



Ireo AFF 9 mirahavavy nisolo-tena ny Aff Ankadifotsy

### 3F Famaranana fifaninanana basikety

Tontosa soamantsara ny sabotsy 22 Jolay lasa teo tao amin'ny kianjan'ny fokontany Amboditsiry ny lalao famaranana teo amin'ny taranja basikety, izay tafiditra amin'ny fankalazana an'Andriamanitra amin'ny faha-125 taonan'ny Sampana Tanora Kristianina eto amin'ny Fitandremana Ankadifotsy.

Ny volana Jona no nanomboka ny fifanintsanana, sokajy zazalahy, teo amin'ny Fitandremana 5 nandray anjara dia ny STK FJKM Antanety Fitahiana, Antanimena Atsinanana Fifaliana, Am-batonakanga, VLM Androhibe avy amin'ny Loterana ary Ankadifotsy mpampiantrano.

Marihana fa nahatratra 15 ny lalao notontosaina ka tojo tamin'izao famaranana izao. Ny laharana fahatelo no nanomboha azy ka nifanandrina tamin'izany ny VLM Androhibe sy ny FJKM Ankadifotsy izay nisaraka tamin'ny isa 56-49. Laharana faha-4 no azontsika tompon'ny fankalazana.

Teo amin'ny lalao famaranana kosa, dia nifanandrina ny STK FJKM Ambatonakanga sy ny STK FJKM Antanety Fitahiana Ambohimarina izay nisaraka tamin'ny isa 54-66 ary nivoahan-dry zareo tanora avy ao amin'ny Synodamparitany Antananarivo Andrefana ho tompondaka.

Ho an'ny taranja baolina kitra, efa tonga any amin'ny dingana ampahefa-dalana isika izao, izay tsy mitsanga-menatra ny STK 3F na ny zokiny na ny zandriny. Koa manentana antsika hatrany hanotrona ireo tanorantsika ireo ho voninahit'Andriamanitra irery ihany.

Nangonin'i Haja RANDRIANASOLO



FIKARAKARANA  
voninkazo

Ireo tompon'andraikitra mikarakara voninkazo amin'ity volana AOGOSITRA 2023 ity :

- 05 Aogositra : groupe 04
- 12 Aogositra : groupe 05
- 19 Aogositra : groupe 06
- 26 Aogositra : groupe 07

nanangona Malala Soa



# Fanjakana, fandraisana anjara, zo sy adidy

## Fiangonam-pilaminana, fiaianam-pankasi-trahana an'Andriamanitra

"Jehovah hiady ho anareo, fa ianareo kosa hingga" - Eksodosy 14:14.

Efa ela no nihirana ny "Ry tanindrazanay Malala" ary mampihetsi-po tokoa ny tonony, manentana ny hanao tsara sy higoka soa sy mbà hahatanteraka ilay hoe "he sambatra tokoa izahay".

Tsy vidiam-bola sy varoboba ny teny. Tsy misy voarara, fa afaka manambara hevitra tsy misy mahasakana ny rehetra. Ny tambiny kosa dia mifanohitira indraindray, tsy mifanaraka ny teny fampanantenana natao sy ny vokatra. Miaina tsindrin-tsaina sy horohorom-panahy ny maro, "ary izay ao amin'ny nofo dia tsy mahay manao ny sitrapon' Andriamanitra." - Romana 8:8

Loto sy korontana no hitan'ny maso, toa samy efa zatra mahita sy miaina ao anatin'izany ny Malagasy, ka manjary toa hafahafa rehefa sendra tontolo madio sy milaminana. Mivadi-drafitra ny fihevitra sy ny fi-hetsika, tsy hay intsony ny mandeha mahitsy, fa raikitampisaka loatra ny miala loto, miala sakana, mandingana fotaka sy fako. Asa raha ampaahafiry amin'isan-jaton'ny Malagasy no tsy miherikerika ka tsy matoky tena, rehefa mandeha sy miresaka. Sanatria raha marina ilay hoe "rehefa tiana dia mitombo tarehy", ka na fako aza dia manjary leferina, na dia efa mandrevo sy mitondra fofona mahafaty aza... Fahanionana sy fahasambarana no tsinjovina, saingy toa nofy saro-takarina.

Soa fa misy tontolo hafa, ny Fiagonana. Ny Fiagonana miaina ny Tenin'Andriamanitra dia aro, fialofana hany mahomby mamerina amin'ny fahatsiana sy ny tsi-fihrikerehana, ary mampandositra tahotra sy horohoro. Ny fahazoana ny Teny soa dia manosika hirotsaka manao asa, mamaly fisitrhana ny soa azo. Fanjakan' Andriamanitra hita maso, azo tsapain-tanana ary mizara soa ny Fiagonana.

Misy teny telo izay mahafinaritra ny mampifandray azy : hevitra, tontolo sy fanjakana.

"Fa ny fihevitra tsy fihevitrareo ary ny lalanareo kosa tsy mba lalako, hoy Jehovah" - Isaia 55:8

Miaina tontolo madio, milamina ny mpiangona sy ny mpivavaka tonga isa-maraina, isaky ny alahady ao am-pianganana. Manan-karena ny kristianina mahazo ny Tenin'Andriamanitra, "tsy hiverina amiko foana izy, raha tsy efa mahatantera ka izay sitrako ary ambinina amin'izay ampandehanako azy." - Isaia 55:12b.

Mora amin'ny kristianina, any anatin'ny sampana, sy ny asa ary ny fikambanana anivon'ny Fiagonana, ny manantanteraka ny didim-pitiavana iantsoan'i Jesoa Kristy, "ny mba hifankatiavana-reo tahaka ny nitavako anareo."

- Jaona 15:12b.

An'Andriamanitra ny hery, ny haja sy ny laza, fa mahatamana ery ny tonga miangona sy tonga haheno ny Tenin'Andriamanitra. Andriamanitra dia tsy lany harena, fa mamelona fifaliana sy firavoravoana, ary manosika hiasa, amin'ny fo feno fankasitrahana.

## Fanjakana fisitrhana, tontolom-pahefana mila fahendrena

Tontolo feno fiadanana ny tontolo anjakan'ny Tenin'Andriamanitra, azo tanterahana ny fanjakany, fa mitaky anjara, adidy, andraikitra sy asa. Mitaky fandavantena izany rehefa ivelan'ny Fiagonana. Tsy ny haben'ny asa no mahatontosa ny fanjakana araka an'Andriamanitra.

Tsy ny hevitra sy ny teny maro no mahatantera ka ny filaminana sy ny fahasambarana. Impiry niova lalàm-panorenana moa i Madagasikara ? Manana lalàna sy didim-panjakana maro, entina ifampitondrana sy ifampitantanana. Tsy ratsy ny lalàna sy ny didy tsara rafitra, fa antoka entina misitraka zo, saingy manana tandrify adidy ny zo. Samy maka tsirony amin'ny itiavany azy ny Malagasy araka ny fana-nana zo. Ahazoana tombontsoa ny zo mifikitra amin'ny fomba sy ny lalàna tiana arahina, fa rehefa toa miantsa andraikitra izany dia itsahana, tsy hajaina. Matetika arantiranty ny soatoavina malagasy, kanefa tsatsoina amin'ny fahafana, fa hatrizao vitsy ny tany tena ahitana fiadana'ny mponina, tahaka an'ny Norvezy.

Manam-pahaizana, sy manana tohana ara-politika ny mpitondra an'i Madagasikara. Na mety te-hanao ny tsara aza, kanefa rehefa tsy mandeha araka ny fahafana, fa araka ny nofo, dia tsy mahavita asa, tsy tahaka ilay "Samaritana anankiray nandeha tamin'ny nale-hany ka tonga teo aminy (lehilahy maratra saiky maty, voaendakny jiolahy), ary nony nahita azy, dia onena. Dia nanatona izy, ka nosfeheziny ny feriny, sady nasiyan diloilo sy divay; dia nampitaingeniny tamin'ny bibiny izy, ka nentiny ho any amin'ny tranom-bahiny, dia notsaboiny. Ary nony ampitson'ny, dia naka de-naria roa izy, ka nomeny ny tompon'ny tranom-bahiny, sady nanao taminy hoe: Tsaboy izy; ary na hoatrinona na hoatrinona no laninao mihatra noho ireto dia honerako, rehefa miverina aho." - Lioka Jocelyn R.

Ao anatin'ny Fiagonana dia iainana ny firaiana, na farafaharatsiny iriana mafy ny fahatantera hany. Ny tontolony ady politika kosa dia fanjakan'ny fifam-pisarahana. Hatry ny ela dia mihatra ny fanavahanta mihoampampana sy ny zarazara hanjakana.

"Iaareo no fanasin'ny tany; fa raha ny fanasina no tonga matsatso, inona indray ny hahasira azy?" - Matto 5:13. Hevitra sy tontolo tsy mitovy no mibaiko ny mino sy ny matsatso. Ny fanjakana no tsy mitondra any amin'ny firaiana, dia ny hevi-pampisarahana no sata ijoroany, ka raha loto, korontana sy ady no misy, dia ny fanompoana mitodika amin'ny tombontsoa manokana no manjaka. Manana fototra i Madagasikara,

araka ny endriky ny fanjakana sy ny rafi-pitantanana. Tokana ny fanjakana, tsy tahaka ny any Etazonia, izay manana fanjakana maromaro antsoina hoe fanjakana federaly. Eo amin'ny rafi-pitantanana kosa, samihafa raha jerena ny an-dry zareo Anglis, ahitana ny fiankinandohan'ny governemanta tanteraka amin'ny antenimiera. Misaraka kosa ny governemanta sy ny antenimiera malagasy, saingy ny governemanta dia tompo-

nandraikitra manoloana ny filoham-pirenena, indrindra fa ny maro anisa ao amin'ny antenimiera dia anjakan'ny antokon'ny Filoham-pirenena malagasy.

"Sambatra ny mpampihavana fa izy no hatao hoe zanak' Andriamanitra" - Matto 5:9. Andraikitra tsy mora tanterahana ny fampihavanana ny olona amin'ny hafa, ny fampihavanana amin'ny manodidina, ny natiora sy ny hareny. Tany sarotra tantanana i Madagasikara, maro no nanolotra drafitra fampandrosoana. Maro ny teny sy ny pejy mifono ny fampihavanana ny olom-pirenena amin'ny fiadanana sy ny fahasambarana ara-tsosialy, ara-koltoraly sy ara-toekarena.

Mbola ilàna fitandremana ny fiaraha-monina, fa rehefa misy olona sambatra, dia misy ny ory hava-manna izay mamingana. Maro fototra ny fahasambarana, ao ny sambatra amin'ny fanararaoana ny fahefany, misy kosa mbà te-ho sambatra amin'ny fahasambaran'ny hafa, noho ny asa ataony. Misy maro ao an-tsaha mitaraina, fa vitsy ny manana fahefana ka mampihatra azy tsara. Mifototra amin'ny soa iombonana ny asa mahomby, tsy hamelana maratra amordalana. Lazaina fa avy amin' Andriamanitra ny fahefana, fa hatrizao vitsy ny tany tena ahitana fiadana'ny mponina, tahaka an'ny Norvezy.

Manam-pahaizana, sy manana tohana ara-politika ny mpitondra an'i Madagasikara. Na mety te-hanao ny tsara aza, kanefa rehefa tsy mandeha araka ny fahafana, fa araka ny nofo, dia tsy mahavita asa, tsy tahaka ilay "Samaritana anankiray nandeha tamin'ny nale-hany ka tonga teo aminy (lehilahy maratra saiky maty, voaendakny jiolahy), ary nony nahita azy, dia onena. Dia nanatona izy, ka nosfeheziny ny feriny, sady nasiyan diloilo sy divay; dia nampitaingeniny tamin'ny bibiny izy, ka nentiny ho any amin'ny tranom-bahiny, dia notsaboiny. Ary nony ampitson'ny, dia naka de-naria roa izy, ka nomeny ny tompon'ny tranom-bahiny, sady nanao taminy hoe: Tsaboy izy; ary na hoatrinona na hoatrinona no laninao mihatra noho ireto dia honerako, rehefa miverina aho." - Lioka Jocelyn R.



## Fintina toriteny

VOLANA JOLAY

### HEVERO NY FIFIDIANAN'NY TOMPO

Alahady 30/07/2023 - Ny Matto 28: 16-20 no na-kana ny hafatra.

Hafatra 2 lehibe no nomena:

**1) ANDEHA ISIKA HITODIKA AMIN' I JESOA ILAY NIIFIDY ANTSIKA.**

Na dia tsy nitovo azy ny fihetika sy ny toe-pon' ny mpianatra nahtia an'i Jesoa, Jesoa kosa tsy taitra fa nanatona azy rehetra (17, 18).

- Aza taitra na gaga manoloana ny fihetika na toe-po andraisan' ny olona ny asa anirahan'ny Tompo antsika fa misy ireo ho resy lahatra eo no eo, ary misy kosa ireo hisalasala na hitsipaka mihitsy aza.

- Na dia kely sy tsy tanteraka aza isika dia mbola hametrahan' i Jesoa ny fitokisany hamita iraka: "history filazantsara" satria efa nofidiany.

- Manome toky anefa IZY fa bomba sy hiantoka 100% antsika, hiaraka sy hitantana antsika amin' ny fanatanteraha ny iraka nomeny (20).

**2) MITODIHA AMIN' NY TENANAO.**

Nifampaona ho any Galilia Jesoa sy ny mpianany.

- Katsao izay ahafahana mihona amin'ny Tompo mba hanovozao hery sy tolimarika. Mila miantra, mila manana ny fierin'ny Tompo, mila mifofana isika fa goavana ny iraka ho tanteraha.

- Mivonona ho iraka mahatoky.

lazakazao, araaoty ny androm-pahavelomanao, hanompoana ny Tompo araky ny Jao 9: 4.

- Amin' ny finoana sy fanantenana ary fitaviana no hanatantera ny asa fanompoana fa Andriamanitra no miasa ao anatintsika (Fil 2: 13).

**Alahady 23 Jolay, nalaina tao amin'ny I Tantara 28:17**

Hafatra 3 no zaraina amintsika amin'izany.

Andriamanitra mifidy dia :

**1- Andriamanitra tompomarika amin'ny olona izay nofidiany izy.**

N'iona n'iona hetaheta lalina ao anatintsika, dia mila manaihy ny tendrin' Andriamanitra sy ny fidia-

nany isika.

Mety ho alaim-panahy ho kivy isika amin'izany, ka-fila mialo mino sy matoky isika fa tsy mahafoi antisika Andriamanitra.

**2- Andriamanitra manome faneke na sy fampanan-tena ho an'ny olona izay nofidiany.**

Ny faneke na diifidiana'ndriamanitra te hifamatotra amin'ny olona izay nofidiany.

Tokony ho tsapantsika izany fa rehefa manaiky ny antson' Andriamanitra isika, dia raisiny ho zanany ary izy ho Raintsika.

B Andriamanitra manome asa hotanterahan'izay nofidiany.

Ny fidian' Andriamanitra dia nanendreny antisika ho iraka history ny filazantsara.

Noho izany, ataozy zava-dehibe amintsika fa saro-bidy ny fidian'ny antisika ary tanteraho am-pifa-lana izany fa izy no hitsena antisika any amin'ny farany.

**Alahady 16 Jolay, nalaina tao amin'ny IKorintiana 1:26-31.**

Izany hoe korinto izany dia midika ho korontana, fiandianiana ary fitsitokotoaka.

Ary izany endrika fiandianiana izany no nezhan'i Paoly nosorohana.

Hafatra 2 lehibe no zaraina amintsika amin'ny maha-olom-boafidin' Andriamanitra antisika:

**1- Ny antson' Andriamanitra dia manandratra ny mpino.**

Tokony hahatsiaro isika fa tao anatin'ny fahale-mena no niantsoan' Andriamanitra antisika.

Isika izay tsinontsinona akory no nofidiany manoka-na, ka nomeny lanja ary nasandry.

Noho izany, ny fahaizana manetry tena sy fisa-orantsika an' Andriamanitra no andrasan'ny Tompo amintsika.

**2- Ny antson' Andriamanitra no anehoany ny maha-olom-boafidin' Andriamanitra antisika.**

Isika izay tsinontsinona akory no nofidiany manoka-na, ka nomeny lanja ary nasandry.

Noho izany, ny fahaizana manetry tena sy fisa-orantsika an' Andriamanitra no andrasan'ny Tompo amintsika.

**Alahady 23 Jolay, nalaina tao amin'ny I Tantara 28:17**

Hafatra 3 no zaraina amintsika amin'izany.

Andriamanitra mifidy dia :

**1- Andriamanitra tompomarika amin'ny olona izay nofidiany izy.**

N'iona n'iona hetaheta lalina ao anatintsika, dia mila manaihy ny tendrin' Andriamanitra sy ny fidia-

ny isika.

Mety ho alaim-panahy ho kivy isika amin'izany, ka-fila mialo mino sy matoky isika fa tsy mahafoi antisika Andriamanitra.

**2- Andriamanitra manome faneke na sy fampanan-tena ho an'ny olona izay nofidiany.**

Ny faneke na diifidiana'ndriamanitra te hifamatotra amin'ny olona izay nofidiany.

Tokony ho tsapantsika izany fa rehefa manaiky ny antson' Andriamanitra isika, dia raisiny ho zanany ary izy ho Raintsika.

B Andriamanitra manome asa hotanterahan'izay nofidiany.

Ny fidian' Andriamanitra dia nanendreny antisika ho iraka history ny filazantsara.

Noho izany, ataozy zava-dehibe amintsika ary tanteraho am-pifa-lana izany fa izy no hitsena antisika any amin'ny farany.

**Alahady 09 Jolay, nalaina tao amin'ny Jaona 15:11-16**

Fahatokisana manokana antisika no anton'ny nifidinan'ny Tompo antisika.

Hafatra 3 no zaraina amintsika amin'izany fidian-ny antisika izany :


**1- Ny olom-boafidin' Andriamanitra dia didiany tsy mainitsy mifanikata.**

Ataozy sekoly ianarantsika ny fitiavana mba hahai-zantsika mifandefitra sy mifamela heloka.

Io no ahafantaranana fa mpianany isika, ary tsarovy fa Andriamanitra rehefa tia dia tena tia hatramin'ny farany.

**2- Ny olom-boafidin' Andriamanitra dia nataony hoe sakaiza.**

# Fanompoana an-tsary



## Sampana Fifohazana Rodorodom-pifohazana

Ho fitondrana am-bavaka ny fanohizana ny fanamboarana tsangam-bato faha-40 taona ny Fifohazana FJKM, dia nanatanteraka fotoam-bavaka lehibe teny amin'ny Ivo-Toeram-Panomanana Ivato ny Fifohazana Synodam-paritany Antananarivo sy ny manodidina ny sabotsy 22 Jolay 2023. Nizara telo ny fotoana: fanompoam-pivavahana ; fampianaranana roa ; teny anelanelany dia nisy ny varotra akanjo tsara mora.

Olivien Besabotsy, mpitandrina no nitarika ny fotoana. Ny hafatra izay nalaina tao amin'ny filazantsara araka an'i Lioka 6: 12-16 kosa dia nanasongadina fa izaho, ianao koa mba nentin'ny Tompo am-bavaka ny fifidianana ahy sy ianao. Fitiavan'ny Tompo no niantsoany ho mpanompony koa ento am-bavaka izany fiantsoana izany.

- Fampianarana 1: nentin'i Rakotomanana Tahiry, mpitandrina.

Nambarany fa saro-pady sy sarobidy ny fifidianan'ny Tompo anao. Izy mahalala ny antony koa ekeo izany, mihainoa ny feony, mankatoava ny teniny. Mandehana amim-pitondrantenana mendrika, dia fitondran-tena araka an'i Kristy, atolory ho Azy ny tenanao fa ny famindrampony no nahatonga toy izao anao, fadio ny fanao ratsy fa Masina Andriamanitra Ilay mifidy anao.



- Fampianarana 2: nentin'i Rakotondramanana Aриаона, mpitandrina.

Nambarany fa ny fiantsoan' Andriamanitra dia fiantsoana ho amin'ny famonjena, sy fiantsoana ho amin'ny fanompoana.

Mpanota sy mpanao heloka isika nefy tsy mahavonjy tena ka mila Mpampony. Rehefa nanota isika dia mahazo fanamelohana ary miafara amin'ny fahafatesana mihitsy aza, ary fahaverezana mandrakizay; nefy Jesoa Kristy dia nanaiky ho faty ary velona ka izany no ahavelomantsika ao Aminy. Voavonjy kosa isika raha miaiky ny helotsika ary mibebaka, Kristy koa dia mibebaka ho antsika (mipetraka eo ankavanany) Ray mifona ho

antsika), ny Fanahy Masina koa manampy antsika mba ahazoana famelan-keloka. Tonga olombaoao ao amin'i Kristy isika noho ny famindrampony.

Nantsoina ho amin'ny fanompoana isika araka ny maha izy azy antsika, ary fantatry ny Tompo ny asa omeny antsika fa vitantsika, mitory ny filazantsara, mampianatra, manao ny asa misiona. Ao koa ny fiantsoana misy antso (vocation); fiantsoana andraisana fanokanana; ny fidiyanana amin'ny alalan'ny latsabato (diakona); fanendrena mba ahazoana mandray anjara amin'ny asa fanompoana.

Farany, raha tena mpanompon' Andriamanitra dia tsy maintsy manana toe- pitondran-tena feno

fahamasinana. Tsy afa-miaraka amin'ny fanekena ny fijanonana amin'ny faharatsiam-pitondrantenana. Toe-panahy mahatoky, mahajoro, mahatombina tsara na inona fitsapana, fizahan-toetra lavovana. Toe-tsaina vonon-kanmpo, mazoto, maharitra amin'ny fanompoana.

Voalaza fa fantsona isika, koa raha ratsy na maloto ny fantsona dia tsy ho tafita ny famonjena ny vahoakan' Andriamanitra.

"Izay manan-tsosina enti-mihaino, aoka izy hihaino izay voalazan' Andriamanitra."

Nantsoina ho amin'ny famonjena ianao vao nantsoina ho amin'ny fanompoana.

**Nanangona Harilalaina A.**

